

Ĉapitro 10 – Gufujo

Enhavo

1. Novaj vortoj
2. Novaj gramatikaĵoj
3. La rakonto
4. Enhavaj demandoj
5. Tabelekzercoj
6. Plenigekzercoj
7. Respondekzercoj

Novaj vortoj por ĉapitro 10

afiŝo	feminismo	oficiala
akvo	festivalo	pendi
arto	fondi	popo
atendi	forta	rajto
bando	forumo	reprezenti
biciklo	gitaro	sekcio
cetere	gvidi	seminario
diskuti	instanco	sento
ekskurso	kampo	streĉi
ekspozicio	karavano	titolo
ekvilibro	kontrasto	ttt (tut-tera teksaĵo)
eventuale	moderna	vasta
fali	morgaŭ	

Novaj gramatikaĵoj por ĉapitro 10

(En ĉi tiu ĉapitro ne estas iuj novaj gramatikaĵoj.)

Ĉapitro 10.1 – Gufujo

En la Gufujo

Jesi: Ĉu estas libera loko?

Ina: Jes, certe.

Jesi: Tre agrable ĉi tie en la gufujo. Mi bezonas iom da trankvilo post tre streĉa tago.

Ina: Mi komprenas. La etoso en gufujo estas tre bona kontrasto al la aliaj okazaĵoj dum IJK, ĉu ne?

Jesi: Jes. Mallaŭta muziko, trankvila babilado kaj iu interesa teo. Perfekte por rehavi fortojn...



Ĉapitro 10.2 – Gufujo

- Ina:** Vi ŝajnas ege laca. Kion vi faris dum la tuta tago?
- Jesi:** Unue mi faris afiŝon por la morgaŭaj ekskursoj. Cetere, ĉu vi iros al iu ekskurso?
- Ina:** Jes, al la granda akvofalo kaj poste al ekspozicio pri moderna arto.
- Jesi:** Bona elekto. Ankaŭ mi iros tien. Ĉiukaze, post la pendigado de la ekskursafiŝoj mi gvidis diskutrondon kun la titolo 'Ĉu feminismo samas en diversaj landoj?'. Estis tre interesa kaj vigla diskuto. Kaj dum la lastaj kvin horoj mi estis en longa komitatkunsido. Vere estis tro longa, sed nun la komitato finkunsidis.



Ĉapitro 10.3 – Gufujo

- Ina:** Ha, vi do estas komitatano?
- Jesi:** Jes, kaj mi ankaŭ estas en la estraro de TEJO.
- Ina:** Mi neniam estis tre aktiva en la movado... Fakte kio estas la ĉefa agado de TEJO nun?
- Jesi:** Ĝi estas vasta. En plej diversaj kampoj ni havas agadon, ekzemple seminarioj pri homaj rajtoj kaj interkulturaj rilatoj, biciklkaravanoj, lingvaj festivaloj, konstruado de ttt-paĝoj ktp. Ni ankaŭ estas reprezentitaj en diversaj oficialaj instancoj kiel Forumo Junulara Eŭropa, UNESKO kaj la junulara sekcio de Unuiĝintaj Nacioj.
- Ina:** Sonas interese. Tamen por mi sufiĉas esperantumi unu aŭ du semajnojn jare.



Ĉapitro 10.4 – Gufujo

- Jesi:** Jes, oni trovu sian ekvilibron... Ĝuste nun mi sentas, ke estas tro da Esperanto en mia vivo... Ĉu vi estas membro de iu alia organizo?
- Ina:** Ne vere organizo, sed mi ludas gitaron en bando.
- Jesi:** Bele! Mi tre ŝatas kanti. Kian muzikon vi ludas?
- Ina:** Nu, estas simpla popo. Ni ĵus fondis la bandon, sed eventuale ni ludos dum la venonta IJK...
- Jesi:** Mi jam antaŭĝojas! Nur diru, se vi bezonas iun helpkantiston.
- Ina:** Kial ne?! Eble vi volas kanti ion nun, kaj mi povas ludi gitaron?
- Jesi:** Jes, mi ŝatus tion.
- Ina:** Tre bone, mi tuj venigos mian gitaron.
- Jesi:** Mi atendas vian espereble rapidan revenon...



Demandoj pri ĉapitro 10

Diru al mi:

1. Kiuj renkontiĝis en la gufujo?
 - Kabe kaj Ina.
 - Ina kaj Jesi.
 - Jesi kaj Kabe.

2. Kial Jesi estas laca?
 - Ĉar ŝi tro multe dancis.
 - Ĉar ŝi malbone dormis.
 - Ĉar ŝi laboris dum la tuta tago.

3. Kien ekskursos Ina kaj Jesi?
 - Ili ekskursos al la komitatkunsido.
 - Ili ekskursos al la granda akvofalo kaj ekspozicio.
 - Ili ekskursos al la nacia muzeo.

4. Kiu estas en la estraro de TEJO?
 - Kabe.
 - Jesi.
 - Ina.

5. Kiu ŝatus esti helpkantisto?
 - Ina ŝatus.
 - Neniu ŝatus.
 - Jesi ŝatus.

6. Kian muzikon ludas la bando de Ina?
 - Rokon
 - Punkon.
 - Ĵazon.
 - Popon.

Plenigekzerco pri ĉapitro 10

Via tasko estas plenigi la malplenan spacon (liniojn) per ĝustaj vortoj. Vi povas elekti vortojn nur el la listo kiu sekvas post "Vortoj:". Sukceson!

Vortoj: **kial, kiam, kiu, ĉiu, kiom, neniam, ĉiuj, tiu, kiel, tiom, tio, kie**

[] estas la plej taŭga loko, [] eblas ripozi kaj rehavi fortojn. Kabe [] forgesos la kongreson. [] knabino, pri [] vi parolas, preskaŭ [] estas en la trinkejo. Ina rakontis al Kabe, [] funkcias Pasporta Servo. [] vi lernos la lingvon, mi rekomendos al vi bonajn librojn. En [] jaro al IJK kutime venas multaj homoj kaj ili preskaŭ [] parolas Esperanton. Bedaŭrinde mi ne havas [] da mono, [] mi bezonas por la vojaĝo. Nun li scias, [] Kabe forlasis Esperanton.

Respond-demand-ekzerco pri ĉapitro 10

Jen respondoj. Kompletigu la demandojn tiel, ke ili rilatu al la grasa frazero.

Ekzemploj:

- | | | |
|----|---|--|
| 1) | Je la unua horo ni iros al la ekskurso. | Je kioma horo ni iros al la ekskurso? |
| 2) | Vespere estas tre agrable en la gufujo . | Kie estas tre agrable? |

Faru mem:

1) Vespere estas tre agrable en la gufujo.	<input type="text"/> estas en la gufujo?
2) Vespere estas tre agrable en la gufujo.	<input type="text"/> estas tre agrable en la gufujo?
3) Ŝi faris afiŝon por la morgaŭaj ekskursoj .	<input type="text"/> ŝi faris por la morgaŭaj ekskursoj?
4) Ŝi faris afiŝon por la morgaŭaj ekskursoj .	Por <input type="text"/> ekskursoj ŝi faris afiŝon?
5) Ni estas reprezentitaj en diversaj instancoj .	<input type="text"/> ni estas reprezentitaj?
6) Ni estas reprezentitaj en diversaj instancoj .	En <input type="text"/> instancoj ni estas reprezentitaj?

Ekzemploj:

1) Ni neniam estis tre aktivaj .	Kiaj ni neniam estis?
2) Li vizitis diversajn instancojn .	Kion li vizitis?

Faru mem:

1) Li vizitis diversajn instancojn.	<input type="text"/>
2) Ni neniam estis tre aktivaj.	<input type="text"/>
3) Je la unua horo ni iros al la ekskurso.	<input type="text"/>
4) Tio sonas interese .	<input type="text"/>
5) Jes , tio sonas interese.	<input type="text"/>

Ĉapitro 11 – Enamiĝoj?

Enhavo

1. Novaj vortoj
2. Novaj gramatikaĵoj
3. La rakonto
4. Enhavaj demandoj
5. Tabelekzercoj
6. Plenigekzercoj
7. Respondekzercoj

Novaj vortoj por ĉapitro 11

amo	feliĉo
bati	flirto
buŝo	radii
enamiĝo	speciala

Novaj gramatikaĵoj por ĉapitro 11

(En ĉi tiu ĉapitro ne estas iuj novaj gramatikaĵoj.)

Ĉapitro 11.1 – Enamiĝoj?

Du tagojn poste, ekster la dancejo

Ina: Ej, Kabe, vi aspektas feliĉega.

Kabe: Jes, mi estas!

Ina: Bele. Mi ĝojas! Ĉu la kongreso tiom plaĉas al vi?

Kabe: Jes kaj ne... Certe mi tre kontentas pri IJK, sed estas io alia, kio feliĉigas min. Pli ĝuste dirite, estas iu, kiu batigas mian koron.

Ina: Diru, diru, ĉu vi enamiĝis al iu knabino?

Kabe: Mi ne certas, ĉu mi jam enamiĝis, sed sentiĝas tre bone... Ŝi eĉ kisis min sur la buŝon dum labambo. Mirinde kian kison ŝi donis...



Ĉapitro 11.2 – Enamiĝoj?

Du tagojn poste, ekster la dancejo

Ina: Bonege! Nun mi komprenas kial vi elradias tiom da ĝojo. Fakte, io simila okazis al mi...

Kabe: Sed mi pensis, ke vi ne ŝatas labambumi.

Ina: Prave. Ne okazis en la dancejo, sed en la Gufujo. Kaj ne estis kiso, sed tamen io tre ĝojiga...

Kabe: Do, rakontu!

Ina: Mi ne scias kion diri vere... Nenio speciala okazis, almenaŭ ankoraŭ ne okazis. Sed mi iel sentis, ke ŝi tre ŝatas min kaj mi ŝin. Ni longe babilis pri muziko kaj poste kantis kune... Mi pensas, ke ŝi flirtumis kun mi, estis tre agrable.

Kabe: “Malfeke!”, kiel diras via amiko de Kanado.

Ina: Jes, vere! Mi esperas renkonti ŝin baldaŭ denove.

Kabe: Same mi...



Demandoj pri ĉapitro 11

Diru al mi:

1. Kial Kabe estas feliĉega?
 - Ĉar la kongreso estas bonega.
 - Ĉar li finfine manĝis.
 - Ĉar li eble enamiĝis.

2. Kio okazis dum labambo?
 - Knabino kisis Kabe sur la buŝon.
 - Ina enamiĝis.
 - Jesi kaj Ina ludis gitaron kaj kantis.

3. Ĉu Ina ŝatas labambumi?
 - Ne, ŝi ne ŝatas.
 - Jes, tre!

4. Kio ĝojigis Ina?
 - Kiso en la dancejo.
 - Labambumado.
 - Flirtumado en la gufujo.

5. Kion antaŭĝojas Ina kaj Kabe?
 - Reveni hejmen de la kongreso.
 - Rerenkontiĝi kun siaj novaj amatinoj.
 - Iri al la koncerto.

Plenigekzerco pri ĉapitro 11

Via tasko estas plenigi la malplenan spacon (liniojn) per ĝustaj vortoj. Vi povas elekti vortojn nur el la listo kiu sekvas post "Vortoj:". Sukceson!

Vortoj: **ekster, pro, ĝis, ĉirkaŭ, post, je, sen, antaŭ, dum**

[] tre streĉa tago li aspektis laca. Ŝi komprenis eĉ [] kiso, ke ŝi plaĉas al tiu knabino. La vojaĝo kostis [] 50 eŭrojn. La malfermo de la kongreso okazos [] la kvara horo kaj daŭros [] la deka. [] kelkaj monatoj li ankoraŭ ne sciis Esperanton. [] la tuta nokto mi ne povis ekdormi [] laŭta muziko. La muziko estis aŭdebla ne nur en la dancejo, sed ankaŭ [] ĝi.

Respond-demand-ekzerco pri ĉapitro 11

Jen respondoj. Kompletigu la demandojn tiel, ke ili rilatu al la grasa frazero.

Ekzemploj:

- | | |
|---|---|
| 1) Via amiko rakontis ĉion pri viaj rilatoj. | Kies amiko rakontis ĉion pri viaj rilatoj? |
| 2) Via amiko rakontis ĉion pri viaj rilatoj. | Pri kies rilatoj rakontis via amiko? |

Faru mem:

- | | |
|--|--|
| 1) Ili atendis mian revenon . | <input type="text"/> ili atendis? |
| 2) Ili atendis mian revenon. | <input type="text"/> revenon ili atendis? |
| 3) Ni renkontiĝis kun nia malnova amikino . | Kun <input type="text"/> ni renkontiĝis? |
| 4) Ni renkontiĝis kun nia malnova amikino. | Kun <input type="text"/> malnova amikino ni renkontiĝis? |
| 5) Ni renkontiĝis kun nia malnova amikino. | Kun <input type="text"/> nia amikino ni renkontiĝis? |
| 6) Mi ne povis bone aŭdi ŝian voĉon. | <input type="text"/> voĉon mi ne povis bone aŭdi? |
| 7) Mi ne povis bone aŭdi ŝian voĉon. | <input type="text"/> mi ne povis aŭdi ŝian voĉon? |
| 8) Mi ne povis bone aŭdi ŝian voĉon . | <input type="text"/> mi ne povis? |

Ekzemploj:

- | | |
|--|--|
| 1) Li nenion volas scii pri via vivo. | Kion li ne volas scii pri via vivo? |
| 2) Mi enamiĝis al via fratino. | Al kies fratino mi enamiĝis? |

Faru mem:

- | | |
|---|----------------------|
| 1) Ŝi batigas lian koron. | <input type="text"/> |
| 2) Ŝi batigas lian koron . | <input type="text"/> |
| 3) Li enamiĝis al via fratino . | <input type="text"/> |
| 4) Li nenion volas scii pri via vivo . | <input type="text"/> |
| 5) Li nenion volas scii pri via vivo. | <input type="text"/> |

Ĉapitro 12 – La lasta nokto

Enhavo

1. Novaj vortoj
2. Novaj gramatikaĵoj
3. La rakonto
4. Enhavaj demandoj
5. Tabelekzercoj
6. Plenigekzercoj
7. Respondekzercoj

Novaj vortoj por ĉapitro 12

ambaŭ	privata
damne	proksima
desegni	ridi
impreso	sablo
komplike	sekundo
konfuzo	signo
lago	stato
momento	vizaĝo
plena	

Novaj gramatikaĵoj por ĉapitro 12

Sube vi trovas mallongan klarigon pri aferoj, kiuj aperas en la teksto.

Afiksoj

ge- Montras ĉeeston de ambaŭ genroj.

geamikoj

Ĉapitro 12.1 – La lasta nokto

Ĉe lago proksime de la kongresejo

Kabe: Ho, ankaŭ vi estas ĉi tie!?

Ina: Jes, mi renkontos amikon ĉi tie baldaŭ, por privata interparolo. Do, mi ŝatus peti vin foriri.

Kabe: Nu, tio ne eblas. Tute ne eblas, fakte.

Ina: Kial? Tiu ĉi renkonto estas tre grava por mi. Do, bonvolu lasi min sola.

Kabe: Kiel mi ĵus diris, tio ne eblas. Ĉar ankaŭ amiko de mi baldaŭ aperos ĉi tie.

Ina: Damne. Tipe, ke ĝuste nun... Fakte temas pri la knabino, pri kiu mi rakontis. Ŝia nomo estas Jesi, cetere.



Ĉapitro 12.2 – La lasta nokto

Jesi aperas

- Jesi:** Karaj! Bonege, ke vi povis veni, mi tiom ĝojas vidi vin denove! Sed... vi aspaktas ŝokitaj kaj iel konfuzitaj...
- Kabe:** Evidente...
- Jesi:** Do, mi supozas, ke vi jam ekkomprenis kiel statas, ĉu?
- Ina:** Mi nenion komprenas!
- Kabe:** Mi pensas, ke mi ne volas kompreni...
- Jesi:** Sed ne estas komplike! Lasu al mi klarigi. Kiam Ina rakontis al mi pri sia amiko, kiu lernis Esperanton tre rapide kaj nomiĝas Kabe, mi kaptis, ke vi du jam konas unu la alian.
- Ina:** Jes, sed...
- Jesi:** Sed kio?



Ĉapitro 12.3 – La lasta nokto

Kabe: Ni ambaŭ havis la impreson, ke vi flirtumis kun ni kaj...

Jesi: Tute prave! Pro tio mi volis paroli kun vi ambaŭ nun. Aŭskultu, mi petas. Mi ofte tre ŝatas plurajn personojn samtempe, ne gravas, ĉu estas viro aŭ virino. Kaj dum IJK okazis, ke mi enamiĝis al vi ambaŭ!

Kabe: Kaj ŝajne ni ambaŭ al vi...

Ina: Momenton, mi estas tiom laca, ke mi apenaŭ povas pensi. Ĉu mi ĝuste komprenis, ke...

Jesi: Jeees! Vidu:
Jesi kun ĝojplena vizaĝo desegnis grandan koron en la sablo kaj skribis en ĝi 'I + J + K'.
Kabe post sekunda pripensado diris "Jen nia IJK" kaj ili ĉiuj ekridis!

Fino



Demandoj pri ĉapitro 12

Diru al mi:

1. Kie neatendite renkontiĝis Ina kaj Kabe?
 - En la amasloĝejo.
 - Ĉe lago.
 - En la gufujo.
2. Kial ili venis tien?
 - Por foriri de la kongresa bruo.
 - Por naĝi.
 - Por renkontiĝi kun Jesi.
3. Ĉu ekzistas du knabinoj kun nomo 'Jesi' en la IJK?
 - Jes.
 - Ne.
4. Kiaj estis Ina kaj Kabe kiam Jesi aperis?
 - Ŝokitaj kaj konfuzitaj.
 - Malsataj kaj dormemaj.
 - Ĝojigitaj kaj gajaj.
5. Kun kiu flirtumis Jesi?
 - Nur kun Ina.
 - Nur kun Kabe.
 - Kun kaj Kabe kaj Ina.
6. Kion ili ĉiuj faris je la fino?
 - Ili estis konfuzitaj 😊
 - Ili ridis 😊
 - Ili malĝojis 😞

Plenigekzerco pri ĉapitro 12

Via tasko estas plenigi la malplenan spacon (liniojn) per ĝustaj vortoj. Vi povas elekti vortojn nur el la listo kiu sekvas post "Vortoj:". Sukceson!

Vortoj: **an, for, ge, mal, ad, ĉj, um, ist, ind, ul, estr, iĝ, uj, aĵ, eg, ar, ej, ek, ig, nj, in**

Jesi enam [] is al ambaŭ [] jun[]oj, ĉar ŝi ŝatas flirt[]i kun pluraj personoj samtempe. I[]o kaj Ka[]o renkont[]is kun Jesi ĉe lago proksime de la kongres[]o. Ina volis, ke Kabe []iru, ĉar ŝi atendis amik[]on. Esperant[]oj bon[]e komprenis unu la alian. Kelkaj kongres[]oj sidis en la Guf[]o kaj babilis pri la ag[]o de TEJO. Bedaŭr[]e ŝi ne aŭdis la plej gravan nov[]on, kiun diris la trinkej[]o. Post kiam Kabe desegnis koron kun la literoj "I+J+K" en la sablo ĉiuj []ridis. Jesi estas en la estr[]o de TEJO. Liaj klar[]oj estis []klaraj.

Respond-demand-ekzerco pri ĉapitro 12

Jen respondoj. Kompletigu la demandojn tiel, ke ili rilatu al la grasa frazero.

Ekzemploj:

1)	Tiu ĉi renkonto estas tre grava por mi .	Por kiu estas tre grava tiu ĉi renkonto?
2)	Tiu ĉi renkonto estas tre grava por mi.	Kio estas tre grava por mi?

Faru mem:

1)	Tiu ĉi renkonto estas tre grava por mi.	<input type="text"/> estas tiu ĉi renkonto por mi?
2)	Morgaŭ mi venos al vi.	<input type="text"/> mi venos al vi?
3)	Pro tio li volis paroli kun ni.	Pro <input type="text"/> li volis paroli kun ni?
4)	Pro tio li volis paroli kun ni.	<input type="text"/> li volis paroli kun ni?
5)	Li rapide diris sian nomon.	<input type="text"/> rapide diris sian nomon?
6)	Li rapide diris sian nomon .	<input type="text"/> li rapide diris?
7)	Li rapide diris sian nomon.	<input type="text"/> li diris sian nomon?
8)	Li rapide diris sian nomon.	<input type="text"/> nomon li rapide diris?
9)	Je la tria horo en la gufujo sidis tri personoj.	<input type="text"/> da personoj sidis en la gufujo je la tria horo?
10)	Je la tria horo en la gufujo sidis tri personoj.	Je <input type="text"/> horo en la gufujo sidis tri personoj?
11)	Je la tria horo en la gufujo sidis tri personoj.	<input type="text"/> je la tria horo sidis tri personoj?
12)	Ili estas tre aktivaj .	<input type="text"/> ili estas?
13)	Li ŝatas aktivajn homojn.	<input type="text"/> homojn li ŝatas?

14
)

Mi iros al tiu kongreso .

mi iros?

Postparolo

En la rakonto vi trovis kelkajn ekzemplojn pri kio povas okazi dum IJK. Sed ni rekomendas, ke vi iru al iu renkontiĝo por mem sperti la etoson! Vidu ĉe www.tejo.org/ijk por pli da informoj. Se vi estas pli ol tridekjara verŝajne pli interesas vin kio okazas en UEA - www.uea.org.

Cetere, kion vi pensas pri la rakonto kaj la kurso? Ni petas vin plenigi la [demandaron](#) pri tio, por helpi al ni plibonigi la kurson. Koran antaŭdankon!

Se vi volas esti en kontakto kun aliaj kursanoj, vi povas aliĝi al la retpoŝtlisto [lernu-kursanoj](#).

Jen nia IJK

Ili ekskursos al la granda akvofalo kaj ekspozicio. 😊

4. Kiu estas en la estraro de TEJO?

Jesi. 😊

5. Kiu ŝatus esti helpkantisto?

Jesi ŝatus. 😊

6. Kian muzikon ludas la bando de Ina?

Popon. 😊

Vortoj: **tiu, tiom, kie, ĉiuj, kiam, kiom, kiel, kial, ĉiu, neniam, tio, kiu**

Tio estas la plej taŭga loko, kie eblas ripozi kaj rehavi fortojn. Kabe neniam forgesos la kongreson. Tiu knabino, pri kiu vi parolas, preskaŭ neniam estas en la trinkejo. Ina rakontis al Kabe, kiel funkcias Pasporta Servo. Kiam vi lernos la lingvon, mi rekomendos al vi bonajn librojn. En ĉiu jaro al IJK kutime venas multaj homoj kaj ili preskaŭ ĉiuj parolas Esperanton. Bedaŭrinde mi ne havas tiom da mono, kiom mi bezonas por la vojaĝo. Nun li scias, kial Kabe forlasis Esperanton.

1) Vespere estas tre agrable en la gufujo.	Kiel estas en la gufujo?
2) Vespere estas tre agrable en la gufujo.	Kiam estas tre agrable en la gufujo?
3) Ŝi faris afiŝon por la morgaŭaj ekskursoj .	Kion ŝi faris por la morgaŭaj ekskursoj?
4) Ŝi faris afiŝon por la morgaŭaj ekskursoj.	Por kiaj ekskursoj ŝi faris afiŝon?
5) Ni estas reprezentitaj en diversaj instancoj .	Kie ni estas reprezentitaj?
6) Ni estas reprezentitaj en diversaj instancoj.	En kiaj instancoj ni estas reprezentitaj?
1) Li vizitis diversajn instancojn.	Kiajn instancojn li vizitis?
2) Ni neniam estis tre aktivaj.	Kiam ni estis tre aktivaj?
3) Je la unua horo ni iros al la ekskurso.	Je kioma horo ni iros al la ekskurso?

4) Tio sonas interese .	Kiel tio sonas?
5) Jes , tio sonas interese.	Ĉu tio sonas interese?

Respondoj pri ĉapitro 11

- Kial Kabe estas feliĉega?
 😊
- Kio okazis dum labambo?
 😊
- Ĉu Ina ŝatas labambumi?
 😊
- Kio ĝojigis Ina?
 😊
- Kion antaŭĝojas Ina kaj Kabe?
 😊

Vortoj: **ĝis, je, antaŭ, ĉirkaŭ, dum, sen, ekster, pro, post**

Post tre streĉa tago li aspektis laca. Ŝi komprenis eĉ sen kiso, ke ŝi plaĉas al tiu knabino. La vojaĝo kostis cirkau 50 eŭrojn. La malfermo de la kongreso okazos je la kvara horo kaj daŭros ĝis la deka. Antau kelkaj monatoj li ankoraŭ ne sciis Esperanton. Dum la tuta nokto mi ne povis ekdormi pro laŭta muziko. La muziko estis aŭdebla ne nur en la dancejo, sed ankaŭ ekster ĝi.

1) Ili atendis mian revenon .	Kion ili atendis?
2) Ili atendis mian revenon.	Kies revenon ili atendis?
3) Ni renkontiĝis kun nia malnova amikino .	Kun kiu ni renkontiĝis?
4) Ni renkontiĝis kun nia malnova amikino.	Kun kies malnova amikino ni renkontiĝis?
5) Ni renkontiĝis kun nia malnova amikino.	Kun kia nia amikino ni renkontiĝis?
6) Mi ne povis bone aŭdi ŝian voĉon.	Kies voĉon mi ne povis bone aŭdi?

7) Mi ne povis bone aŭdi ŝian voĉon.	<input type="text" value="Kiel"/> mi ne povis aŭdi ŝian voĉon?
8) Mi ne povis bone aŭdi ŝian voĉon .	<input type="text" value="Kion"/> mi ne povis?
1) Ŝi batigas lian koron.	Kies koron ŝi batigas?
2) Ŝi batigas lian koron .	Kion ŝi batigas?
3) Li enamiĝis al via fratino .	Al kiu li enamiĝis?
4) Li nenion volas scii pri via vivo .	Pri kio li nenion volas scii?
5) Li nenion volas scii pri via vivo .	Pri kies vivo li nenion volas scii?

Respondoj pri ĉapitro 12

- Kie neatendite renkontiĝis Ina kaj Kabe?
 😊
- Kial ili venis tien?
 😊
- Ĉu ekzistas du knabinoj kun nomo 'Jesi' en la IJK?
 😊
- Kiaj estis Ina kaj Kabe kiam Jesi aperis?
 😊
- Kun kiu flirtumis Jesi?
 😊
- Kion ili ĉiuj faris je fino?
 😊

Vortoj: **mal, um, ar, an, eg, ind, ej, for, ul, in, ist, aĵ, nj, ge, ĉj, uj, estr, ek, ad, ig, iĝ**

Jesi enam is al ambaŭ jun oj, ĉar ŝi ŝatas flirt i kun pluraj personoj samtempe. I o kaj Ka o renkont is kun Jesi ĉe lago proksime de la kongres o. Ina volis, ke Kabe iru, ĉar ŝi atendis amik on. Esperant oj bon e komprenis unu la alian. Kelkaj kongres oj sidis en la Guf o kaj babilis pri la

Jen nia IJK

ag o de TEJO. Bedaŭr e ŝi ne aŭdis la plej gravan nov on, kiun diris la trinkej o. Post kiam Kabe desegnis koron kun la literoj "I+J+K" en la sablo ĉiuj ridis. Jesi estas en la estr o de TEJO. Liaj klar oj estis klaraj.

1)	Tiu ĉi renkonto estas tre grava por mi.	<input type="text" value="Kia"/> estas tiu ĉi renkonto por mi?
2)	Morgaŭ mi venos al vi.	<input type="text" value="Kiam"/> mi venos al vi?
3)	Pro tio li volis paroli kun ni.	Pro <input type="text" value="kio"/> li volis paroli kun ni?
4)	Pro tio li volis paroli kun ni.	<input type="text" value="Kial"/> li volis paroli kun ni?
5)	Li rapide diris sian nomon.	<input type="text" value="Kiu"/> rapide diris sian nomon?
6)	Li rapide diris sian nomon .	<input type="text" value="Kion"/> li rapide diris?
7)	Li rapide diris sian nomon.	<input type="text" value="Kiel"/> li diris sian nomon?
8)	Li rapide diris sian nomon.	<input type="text" value="Kies"/> nomon li rapide diris?
9)	Je la tria horo en la gufujo sidis tri personoj.	<input type="text" value="Kiom"/> da personoj sidis en la gufujo je la tria horo?
10)	Je la tria horo en la gufujo sidis tri personoj.	Je <input type="text" value="kioma"/> horo en la gufujo sidis tri personoj?
11)	Je la tria horo en la gufujo sidis tri personoj.	<input type="text" value="Kie"/> je la tria horo sidis tri personoj?
12)	Ili estas tre aktivaj .	<input type="text" value="Kiaj"/> ili estas?
13)	Li ŝatas aktivajn homojn.	<input type="text" value="Kiajn"/> homojn li ŝatas?
14)	Mi iros al tiu kongreso .	<input type="text" value="Kien"/> mi iros?

